

AMBIENTE DI CARNAVAL !! ACADEMY BRASS BAND CUASANDO FUROR INTERNACIONALMENTE !!.

**** Sin duda cu Academy Brass Band ta cuasando furor den exterior, cu nan prome CD.**

DEN AMBIENTE tabata na Corsow pa festival di Tumba, y e comentaronan positivo ricibi tabata barbaro, pa e tremendo presentacionnan di Academy Brass Band recientemente na Corsow. Tur e radio-emisoranan tabata tin palabranan di elogio, pa e forma estupendo cu e brass band aki a sabi di presenta.

Tambe despues cu Mr. Saab a ser corona como Rey di Tumba, DEN AMBIENTE tabata presente na cas di Rignald Recordino (Doble R), caminda tabata tin un multitud di fanaticonan di Doble R presente pa celebra e victoria aki. Durante e celebracion aki, DEN AMBIENTE a ricibi hopi bon comentario di Academy Brass Band.

Por a sinti claramente cu e pueblo di Corsow a goza un mundo, y alavez a aprecia e espectáculo di Academy Brass band. Esaki sigur ta di elogio mirando cu ta conoci cu e publico di Corsow ta sumamente exigente.

Tambe for di Bonaire y St. Maarten DEN AMBIENTE a ricibi yamadanan, caminda nan ta hopi interesa pa e CD y presentacion di Academy Brass Band. Segun DEN AMBIENTE por a compronde cu nan a bolbe drenta studio pa realisa algun piesanan popular. Ta lastima cu nos no a haya ningun informacion tocante esaki.

Riba grafico nos por aprecia Academy Brass band durante nan tremendo presentacion den e Carnaval di mucha na San Nicolas. DEN AMBIENTE ta spera cu e union lo keda firme entre e integrantenan aki, y cu nan lo sigui produci pa asina pone nos pais bria internacionalmente riba e tereno musical unico aki.



**** Jamming Brass Band ta demostrando cu ketu bay nan ta baas riba e tereno aki. Hopi bon mes nan ta zona. Segun por a compronde cu nan tambe a drenta studio. Pa e paradanan cu ta na caminda, ta un cos nan lo bay haci !!!.**



**** DOS XX tur caminda den Carnaval, y hasta a boedem riba cabez di colochi. Dushi Colochi ta haci den Carnaval cu su DOS XX riba su cabez. Aki Izaira ta basha mas DOS XX den cabez di Boedem Colochi.**



**** Little Gislein hunto cu su Secret Hearts a luci den e carnaval di mucha na San Nicolas.**

**** Esaki ta e style di "E Baile di drumi Indian All The Way" den Carnaval.**